

Dienelkander



Nuusbrief van die Gereformeerde Kerk Potchefstroom-Oos

21 Oktober 2018

OGGENDDIENS: Prof. Naas Ferreira

Tema: Daar is 'n groot verskil tussen blywees en dankbaarheid.

Daar is 'n baie duidelike verskil tussen blywees (selfs uitbundig bly) ... en dankbaar wees. Wanneer jy vir die man by die verkeerslig R200 in die hand stop gaan hy baie bly wees, maar hy gaan jou gou-gou weer vergeet, want bly-wees is 'n vinnig verbygaande emosie. Dankbaar-wees aan die ander kant is iets heeltemal anders. Wanneer jy op een of ander manier in 'n verhouding sou tree met daardie man by die robot en instaat is om sy hele menswees te verander, sal hy in dankbaarheid, jou vir die res van sy lewe onthou.

Blyskap – wanneer jy iets kry wat jy graag wou hê.

Dit is wat met 10 melaatse manne iewers in die 'niemandsland' van hulle verlore bestaan gebeur. Hulle haglike omstandighede het in groot blyskap verander toe hulle weer, nadat hulle gesond geword het, by hulle familie en gesinne kon aansluit. Dit is egter waar dit gebly het.

Dankbaarheid – wanneer jy weet jy het meer ontvang as wat jy gevra het.

Daar is egter 'n baie duidelike verskil by een van die Samaritane wat gesond geword het. Hy het omgedraai nadat hy besef het dat hy nie net liggaamlike gesond geword het nie,

maar dat hy met Jesus Christus as Verlosser te doen gekry het. Die verskil in sy lewe was – geloof. En sy reaksie? Dankbaarheid wat tot diensbaarheid lei. Hy het omgedraai na Jesus toe, want sy gesondword was nie die einde van sy pad met Jesus nie, dit was maar net die begin.

Wanneer Jesus Christus jou verlore menswees binnestap, kan Hy baie dinge doen wat jou baie bly (selfs uitbundig bly) sal maak. In hierdie Skrifgedeelte moet ons die nege melaatses wat liggaamlik gesond geword het baie (innig) jammer kry. Hoekom? Oor dit wat hulle nie gekry het nie – oor dit wat hulle daardie dag gemis het. Dit is baie duidelik. Hulle ontmoeting met Jesus het hulle bly gemaak – vir 'n rukkie. Net een van die manne was dankbaar oor sy ontmoeting met Jesus – want dit het sy hele menswees – vir ewig verander.

Jesus Christus het ons verlore wêreld al binne gestap?! En? Hoe sou ons lewens nou beskryf kon word? Is ons (soms)-(tydelik) bly ... of ewig dankbaar? Dit is hartverskeurend jammer as ons nie dankbaar is nie – want dit beteken ons het (te midde van baie aardse blyskap) nog die heel belangrikste gemis.

Daar is 'n groot verskil tussen bly-wees en dankbaarheid.

Ontmoetingsdiens

Intreelied Lied 188; Votum; Seen; Loflied

Ps 33-1: 1, 6 en 11; Geloofsbelijdenis van Nicea

Verootmoedigingsdiens

Wet: Deuteronomium 5; Antwoord op die Wet: sing Lied 235: 1 en 2; Gebed

Woorddiens

Skriflesing: Lukas 17: 11 - 19

Sing Lied 200: 1, 2 en 3; Woordverkondiging

Antwoorddiens

Gebed; Liefdegawes; Slotsang Ps 107-1: 1, 3 en 10; Seen; Amenlied Sb 13-3.

AANDDIENS: Ds. Piet

Tema: Ons is deel van Christus se triomftog deur hierdie wêreld!

Hoe dink jy oor die rol en invloed van die kerk in die wêreld vandaag? Ons is hierdie tyd van die jaar besig om volgende jaar se bediening in die gemeente te beplan en daarom is dit noodsaaklik dat ons vra: wat is ons visie op dit wat ons doen en wat ons beplan? Glo ons dat dit werklike enige verskil in die wêreld gaan maak?

Die Here Jesus gee ons vanaand 'n heerlike positiewe visie en belofte ten opsigte van ons taak en rol in die wêreld. Hy leer ons ook hoe om dit prakties deel van elke dag se lewe te maak.

Lofsang met die oog op die erediens

Lied 215: 1,4,5 en Lied 184: 1 en 4

Ontmoetingsdiens

Intreelied: Sb 10 – 1: 1, 2; Votum;

Seëngroet; Loflied: Sb 7 – 1: 1, 2 en 3;

Gebed

Woorddiens

Skriflesing: 2 Korintiërs 2: 12 – 17

Teks : 14 - 17

Sing: Ps. 45-1: 1, 6, 7; Woordverkondiging

Antwoorddiens

Gebed; Liefdegawe; Tyd vir refleksie; Sing:

Sb 5-4: 1, 5, 6; Wegstuurseen;

Amen Sb 13-3.

MEELEWING

- Rita Schutte (Groep 27 - 082 654 2811) word Maandag in Wilgeheuwel Hospitaal (Johannesburg) geopereer om die gewas in haar brein te verwijder.
- Griet du Preez (Groep 26 - 083 464 6553) ondergaan komende week in Pretoria 'n skoueroperasie.
- Pieter Joubert (Groep 39 - 079 741 3442) ondergaan Woensdag 'n heupvervangingoperasie in Pretoria.
- Hannelie Pieters (Groep 19 - 082 740 3530) het die afgelope week 'n skoueroperasie ondergaan.
- Wynand Scholtz (Groep 33 - 083 607 0596) het oupa geword van 'n tweeling. Baie geluk aan hom en Mariaan.
- Salomi Lubbe (Groep 9 - 079 370 5505) het gister in die huwelik getree met Mossie Mosterd. Baie geluk!

Ons bid dat die Here beterskap/bemoediging en troos sal gee.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Grobbie Grobler, Andy en Blossom Pretorius en Koos en Marlene Jooste.

ONDERSTEUNING VIR SIEKES

Vir ondersteuning of besoek deur die hospitaalbesoek-diensgroep, skakel hierdie week vir: siekes@oosdoppers.co.za of Anna Smith (082 765 9813), Lou en Magdaleen Venter (082 566 5879)

PROGRAM VAN DIE WEEK

Vandag

09:00 Gebedsgroep

09:30 Oggenddiens

Kleuterbediening
 Vlamvatvoorlegging: naskoolse jeug en studente
 Katkisasie les 22 (Gr 11 in kerkkantoor)
 Tee en Koffie in die Skuur
 10:30 Diakonie: Algemene vergadering in konsistorie
 16:00 Kooroefening
 18:00 Aanddiens

Maandag

18:00 Kersmark
18:30 Bestuursdiensgroep

Dinsdag

06:00 Manne-ondersteuningsgroep
18:00 Groepsusters
18:00 Katkisasie gr 11

Woensdag

09:30 Bybelstudie
17:30 Katkisasie Gr 8 - Jaco Lemmer
17:30 Geen Katkisasie Gr 10
18:30 Gebed & Ondersteuning
19:00 Bybelstudie

Vrydag

14:15 Laerskool Kinderaksie by die Bult
Dankbaarheidsfees

Volgende Sondag

Katkisasie: Afsluiting
Bybelloop

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir Bybelverspreiding.
- Vrywillige bydrae vir voertuigsekuriteit in die bussies by die deure.
- Dienstbeurte: Groep 30 en 31.

VERJAARSDAE

Baie geluk aan almal wat DV hierdie week verjaar!

Sondag, 21 Oktober

Br Willem Pretorius 082 300 1522

Maandag, 22 Oktober

Jsr Lienke Coetzee	060 965 34978
Sr Maxine Coetzee	

Woensdag, 24 Oktober

Sr Elsa Coetzee (72)	073 959 8051
Sr Riana Heystek	083 380 0662
Br Chris Velloen	083 236 6388

Donderdag, 25 Oktober

Jbr Andreas Alberts	
Br Schalk v Deventer	083 262 5828

Saterdag, 27 Oktober

Br Pieter Lourens (72)	072 113 4961
Sr Marthie Schutte	082 597 8589

VOLGENDE SONDAG IS HERVORMINGSONDAG MET ONS JAARLIKSE GESAMENTLIKE BYBELLOOP VIR BYBELVERSPREIDING

Ons nooi almal hartlik uit om te kom deelneem aan ons jaarlikse Bybelloop saam met ons bure oorkant Paryslaan, die NG Kerk Grimbeekpark en die NH Kerk Grimbeekpark volgende Sondagmiddag. Ons bied vanjaar die Bybelloop hier van ons kerkterrein af aan en die reëlings is as volg:

Tyd – 16:00 vir 16:30

Program

- 16:00 - 16:30 Aankoms en indeling van gesinne/lidmate
- 16:30 - 17:00 Verwelkoming
Gesinne/lidmate verdeel in groepies en lees saam sekere Skrifgedeeltes, gesels daaroor en bid saam.
- 17:00 - 18:00 Emmausstap deur Bailliepark
– die ingedeelde gesinne/lidmate doen die Bybelloop saam deur Bailliepark.

Na die Bybelloop geniet ons saam verversings in Die Skuur.

ONTHOU OOK: Volgende Sondag se kollektes gaan vir Bybelverspreiding en die SA Bybelgenootskap bied vir ons sekere geskenke aan wat ons aan die Bybelstappers sal uitdeel.

Kom ons kon betoon ons liefde vir die Here en sy Woord op hierdie lekker en tasbare wyse!

**KATKISASIE-AFSLUITING:
SONDAG 28 OKTOBER om 15:00**



Ons nooi al ons katkisante en katekte om 'n heerlike afsluiting by te

woon – ouers, bring asb u kinders vir hierdie geleentheid!

Ons gaan lekker waterpret hê en lekker wafels en roomys saam eet!

Bring jou swemklere, handdoek en droë klere sodat ons na afloop van die afsluiting die Bybelloop saam kan doen!

DANKBAARHEIDSFEES: 26 OKTOBER

Lieve gemeente, kom vier weer saam met ons fees om ons dankbaarheid te bewys op Vrydag **26 Oktober 2018. Dis in die vorm van 'n skaapbraai!**

Almal word hartlik na die fees uit genooi!

(Jul kan natuurlik geld, bykosse en 'n skapie skenk of dalk het jy 'n spitbraai vir ons om te leen.) Dit is noodsaaklik om die korrekte getalle te kry dus, skryf jou naam op om te verseker jy kry ook 'n lekker sappige stukkie gebraaide skaapvleis! Daar sal 'n vorm wees in die portaal!

Kontak diaken:

Riaan van der Walt (082 784 9215)

HEBRON: GESKENKPAKKIES

Lieve gemeente, die Susters het goed gedink om elke groep te vra om 2 geskenkpakkies te gee vir ons jaarlikse uitreik na Hebron. Een pakkie vir 'n dame en

een vir 'n manspersoon.

Ons is reeds vanaf 2012 betrokke by Hebron as gemeenskapsprojek. Dit is 'n oornagplek/tydelike woonplek vir hawelose mense ongeveer 10 km buite Potchefstroom op die Vereenigingpad. Die persone wat daar bly, moet werk om die plek selfonderhouende te hou. Hulle het 'n groot groentetuin, maak self kos en versorg die huishouding. Tans woon daar 72 mans en 38 dames.

'n Voorgestelde geskenkpakkie kan die volgende bevat en sommer in 'n bruinpapiersakkie verpak word: Shampoo, badseep, waslap, tandeborsel, tandepasta, onderarm-rol, handeroom, pakkie chippies en pakkie koekies.

Pakkies kan by die kerkkantoor aangegee word en net gemerk wees "Hebron". Ons benodig die pakkies voor/op 6 November.

Naskoolse Jongmense #Luistersessies:

Wat dink jy het naskoolse jongmense nodig in die bediening van ons gemeente?

As deel van ons gemeente se vlamvatstrategie soek ons enige insette en terugvoer van oud en jonk oor jongmensbediening in ons gemeente. Kom deel jou gedagtes vandag na die diens oor 'n lekker kopje koffie in die saal. Kan jy dit nie maak nie? Sluit Dinsdag 23 Oktober van 18h00-19h00 by ons aan in Elim (die vertrek in die kerksaal) waar ons verder luister.

Zak 084 548 6142;
Hanno 072 105 3961;
Benjamin 081 311 3114



KANSA-PROJEK

Ons KANSA-projek vir 2018 staan nou einde se kant toe.

Maak seker dat julle koevertjies terugkom. **Bydraes moet asb teen volgende naweek (28 Oktober) ingehandig word.** Vir enige verder navrae praat gerus met Anelle Venter wat aan stuur staan van hierdie projek (076 521 7696).

OKTOBERFEES: GK POTCHEFSTROOM

Op Saterdag, 27 Oktober, tydens die Gereformeerde Kerk Potchefstroom se jaarlikse verkoping gaan hulle weer 'n teetuin in die Ou Kerkie hê. Dié kerkgebou is die oudste gereformeerde kerkgebou Noord van die Vaalrivier. Hy het nog 'n perskepitvloer en 'n rietdak. Hy is gebou in 1867 en is deel van die ryke erfenis van Potchefstroom. Die verkoping is van 09:00-12:00.

Kom drink 'n koppie tee of koffie met heerlike gebak of 'n koel lafenis.

Vir verdere navrae, kontak
Karin Bain 0825321620

KERSSANGDIENS 2018

Die Kerssangaand op 25 November maak aanspraak op almal se gawes wat kan sing.

Oefening: Sondae om 16:00 in ons kerk.

Versprei asb die goeie nuus en ek sien julle vanmiddag.

KERKLIKE TYDSKRIFTE

Die tydskrifte is in die kerkkantoor beskikbaar vir lidmate wat daarop ingeteken is.

AMANDELBLOEISELS

Die Amandelsbloeisels het Woensdag weer byeengekom. Ds Piet het geopen uit 1 Kol 5 en 2 Kor 1 en die bekende boodskap vir ons gelaat: wees altyd bly; bid gedurig; wees in alle omstandighede dankbaar. Gelowiges het maar altyd swaargekry. Ons moet veral in die huidige tyd fokus op die positiewe en nie op al die negatiewe dinge wat deesdae gebeur nie.

Daarna is ons straataf na die nuwe Roosmaryn waar ons heerlike ontbyt genuttig en gesellig verkeer het.

Hierdie maandelikse byeenkomste is ideaal om senior lidmate wat mens by die kerk sien, van nader te leer ken. So maak ons nuwe vriende.

KENNISGEWINGBORD

- Frankfort Riviertoer 2018 is afgestel.
- Boek te koop vir Cachet: Bouprojek Soek: Christo vd Walt is opsoek na 2 ou fietse.
- Totius-Akademie - Graad RR en R

BEROEPEPNUUS

BEROEPE ONTVANG

- Proponent JN Hibbert (Josef) na Pietersburg-Noord.
- Ds RJ Pretorius (Rynhardt) van Buffelndoorns na Benoni as medeleraar.

ALGEMENE INLIGTING

• WOW-HERWINNINGSWERK

Maak gerus gebruik van ons herwinningsshok.

• LIEFDEGAWES VIR

BARMHARTIGHEID

(DIAKONIE)

ZAPPER

Slegs bydraes vir

Barmhartigheid

(Diakonie) kan daarmee

gemaak word - geen ander betalings aan die Diakonie of kerksraad nie



• SOSIALE MEDIA VIR ONS GEMEENTE

Webblad: www.oosdoppers.co.za

Facebook: www.facebook.com/oosdoppers

Beeldmateriaal van preke kan

hier gesien word:

<http://ow.ly/ivfZ309vsdc>.



KONTAKBESONDERHEDE: PREDIKANT & KANTOOR

Ds. Piet: 018 290 5635 / 082 779 1237

Kerkkantoor: Adele 018 290 7690

Kosterspaar: Johan 061 336 7255

Elsa 073 959 8051

SUSTERS IN DIE GELOOF

"Skuil Onder God se Vleuels"



TEESKINKGELEENTHEID

- *Baie dankie aan die groepsusters en hulle groepe se sisters, broers en kinders wat met die skink en opwas help!*
- *Ons moedig sisters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

Tee word **vandag** deur die volgende groeplede en hul groepsusters bedien: Marlene Wiggill en groep 2, Wilma Viviers en groep 11, Christa van der Walt en groep 21, asook Marie Oosthuizen en groep 31.

Volgende week skink Johanna Venter en groep 3, Elmien Halgryn en groep 12, Cornè Geyer en groep 22, asook Annetjie Vermeulen en groep 32 se sisters, tee. *Baie dankie julle!*



SUSTERSAFSLUITING – 30 OKTOBER

Blok C nooi al ons sisters hartlik uit na 'n heerlike afsluitingsfunksie.

Tema: Somer Kersfees- kaas en wyn.

Skryf asb jou naam op die lys in die voorportaal van die Skuur indien jy saam met ons kan kom kuier!



GESAMENTLIKE SUSTERSAFSLUITING -

6 NOVEMBER OM 18:30

Ons gemeente bied hierdie jaar die Gesamentlike Sustersafsluiting aan. Ons wys ons omgee vir God, vir mekaar en vir ons gemeenskap deur elkeen 'n geskenkie in die vorm van persoonlike benodigdhede bv. badseep, lyfroom, waslappie ens. Saam te bring as "toegang". Hierdie geskenkie sal aan 'n behoeftige bejaarde gegee word.

Skryf asb jou naam op die lys in die voorportaal indien jy die aand saam met ons kom geniet!

BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. **Baie dankie vir julle getroue bydra!**

VIERDE KWARTAAL

DATUM	DAG	TYD	WIE	WAT
23 Okt	Dinsdag	18:00	Groepsusters	Groepsustersvergadering
30 Okt	Dinsdag	18:30	Blok C	Potch-Oos Sustersafsluiting
06-Nov	Dinsdag	18:30	Bestuur en Blok B	Gesamentlike Sustersafsluiting
11-Nov	Sondag	12:00	Blok D	Nagmaalete
14-Nov	Woensdag	10:00	Bestuur en groepsusters	Amandelbloeiels afsluiting
25-Nov	Sondag	18:00	Blok A	Kerssangdiens
30 Nov - 8 Des	Vry - Sat	07:00 tot 20:00	Almal	Moorivier Kersmark

BAIE DANKIE AAN ONS BORG VAN DIE WEEK!

 Kerkstraat 199 Potchefstroom Tel: 297 7247 MOOI <small>APTEEK</small> RIVIER  Elke dag oop tot 20:30	ESTÉE LAUDER PAYOT <small>PARIS</small> Kanebo 	ORLANE <small>PARIS</small> CLARINS <small>PARIS</small> REVLON GREEN + CROSS
--	---	--

OOSDOPPERTJIES

Jes. 43:1b "Ek het jou op jou naam geroep, jy is myne"


LAERSKOOI-JEUGAKSIE: VRUGTEFEES VAN DIE GEES

Wil jy kom saam speel?

Waar: Molenstraat 76

Wanneer: Vrydag, 26 Oktober

Tyd: 14:15 - 16:00



Ligte
verversings
sal voorsien
word.

**Wil jy kom saam
speel?**

Waar:

76 Molen straat

Wanneer: 4 Mei

Tyd: 14: 15 – 16: 00

**Vrugtefees
van die Gees**

